



新古今考略

十六

4普4
460
164



門 4 4
號
卷



崑崙峯集

崑崙集序
崑崙集者葉煥彬吏部與友人遊讌之作也東山絲竹感
慨中年南國荃蓀相思彼美永嘉風雅文物猶新開寶繁
華聲歌未歇誤曲待周郎之顧新詞徵江令之題鍾情既
深發韻逾遠三百篇之什屬之思婦勞人十九首之詩託
之倡樓蕩子南風自競奚別乎雌雄東日初升有懷於婉
變嗶引相導匏奏同宣斯集之成有由然已吏部金殿詞
人玉皇案吏承明厭直殫於著書風會總持富而好禮太
平三世多取證於見聞清晝六時偶陶情於歌舞蘭成哀
思雅眷蕭韶休伯審音最憐車子楚艷漢侈男女助其詞
謠簧暖笙清湖山供其跌蕩每至南皮宴敞北海襟傾倚

崑崙集序

崑崙集者葉煥彬吏部與友人遊讌之作也東山絲竹感
慨中年南國荃蓀相思彼美永嘉風雅文物猶新開寶繁
華聲歌未歇誤曲待周郎之顧新詞徵江令之題鍾情既
深發韻逾遠三百篇之什屬之思婦勞人十九首之詩託
之倡樓蕩子南風自競奚別乎雌雄東日初升有懷於婉
變嗶引相導匏奏同宣斯集之成有由然已吏部金殿詞
人玉皇案吏承明厭直殫於著書風會總持富而好禮太
平三世多取證於見聞清晝六時偶陶情於歌舞蘭成哀
思雅眷蕭韶休伯審音最憐車子楚艷漢侈男女助其詞
謠簧暖笙清湖山供其跌蕩每至南皮宴敞北海襟傾倚

玉人來醪金客滿瓊筵醉後分將彌子之桃碧瑣剩餘擲
去安仁之果花園四壁並入品題芸擁百城間多誦唱則
有西崑舊侶東觀名流同裁芍藥之章競寫櫻桃之韻悱
惻如李商隱指錦瑟而知年悲壯如杜少陵觀舞劍而斫
地餘霞成綺拾唾皆珠既已被之管絃方將壽之金石嗟
乎疑雨無題彩雲易散曲終人去惟餘江上之峯羽換宮
移莫按牆邊之笛蜂窠巷陌生已銷魂牛角山河醉仍落
魄俯仰異趣觴詠何之流連曩遊琴聲欲絕不言本事亦
誰識孤懷也乎士萱青衿城闕頗采鄭風武庫甲兵同有
左癖落花時節愁遇乎龜年明月清宵悽歌乎歡子問南
朝之狎客我盡知名話北里之冶遊君偏短氣胡盧一笑

無非殿屎之聲箋註百家誰喻尻輪之旨己亥秋重陽前
一日長沙吳士萱序於永豐道中

崑崙集敘

崑崙百詠作者四人龍陽易實甫觀察蓮花廳朱莼卿太守湘陰李佛翼茂才及余也詩皆近體而體各不同實甫生而哀艷自其少時柔情溫貌人比之紅樓中之寶玉是以所爲詩詞芬芳悱惻能使讀者迴腸宕氣此一體也莼卿以詞臣改官湖湘蓬萊三山時縈寤寐而思君愛國一託之於吟咏以發抒其性靈其人品在蘇黃之間詩格亦正相類此一體也佛翼以名家年少角逐壇坫酒酣耳熱往往感歎時事悽然有舉目山河之異其詩繁縟不如實甫而流蕩過之此一體也余詩宗法玉溪且不得其貌莼卿目以奇恣實甫則以爲設色工麗奇想天開余知其阿

好而姑妄聽之此亦一體也是時實甫督嶺湘中純卿爲
提調文讌之勝同於盧曾之在揚州余與佛翼追陪其間
篇什相誦靡間旬日此特一時事耳而唱和至百首之多
他日賡續相成溢於捆載以視元白長慶皮陸松陵積時
既久僅得詩數百篇其神勇爲何如耶己亥夏六月初伏
日長沙葉德輝敘

星沙學院街
萃文堂刻

崑崙集

卽席漫成呈實甫觀察煥彬吏部佛翼公孫

朱益濬

熱腸得酒起崑崙逸氣嶙峋不可吞亘古神州今至此

海上海報吾儕末路復奚論寶刀何似新歌扇綠綺猶縈舊夢

痕焦遂驚筵君莫笑悠悠局外向誰言

奉和蕙卿太守卽席原韻五首

易順鼎

黃旛綽與黑崑崙飲似長鯨海可吞寵燕嬌鶯聊復爾屠

龍射虎且休論櫻桃花外春無色荳蔻梢頭月有痕不是

兩行紅粉笑誰知杜牧發狂言

何難元夜奪崑崙腹有奇謀祇自吞篋裏青龍休拂拭尊

中綠蟻待評論秋連若木樽桑色春剩桃花芍藥痕左股
蓬萊何處所前頭鸚鵡莫輕言

海中倒影是崑崙多少蛟龍不敢吞出處孤懷青史諒恩
讐閒事寶刀論煙花南國多情種絲竹中年有淚痕何似
維摩對天女已無文字更無言
丁歌甲舞醉崑崙回首金臺淚暗吞王氣虬髯將李讓交
情羊角共桃論二分秋月眉頭色五萬春花夢尾痕騎蝶
紅天成幻想江湖流落與君言
罡風陣陣起崑崙吹落桃花被海吞今世人才同此例古
來天道向誰論黃金大錯神州局白璧微瑕我輩痕且對
珠光兼劍氣暫娛酒坐與琴言

疊前韻奉和實甫觀察

朱益濬

天傾西北起崑崙地缺東南雲夢吞今見詩仙歎觀止老
來詞客敢輕論青鸞翠鳳聊相逐香象羚羊不著痕花好
亦知人意思盈盈桃李總無言
奉和純卿同年太守即席一首步原韻

葉德輝

酒酣渴飲赤崑崙三峽詞源信口吞哀怨祇餘憂國淚治
安空抱救時論眼前春色渾無賴鬢底秋霜漸有痕幾樹
甘棠餘蔭在綠衣隔坐見公言

葉德輝

紛紛狗國號崑崙橫海樓船氣足吞燕頷虎頭無我分鼠

肝蟲臂向誰論尊前錯落名花影衣上模糊舊酒痕記得
魂歸臺嶠外幾回相見各無言

甘棠疊韻和煥彬吏部錄呈實公

朱益濬

何年仗劍絕崑崙北狄西羌一氣吞萬幕黃沙供蹀躞千
秋青簡付評論邇來短鬢風塵色誰省拳毛汗血痕且向
花前開口笑君如莫逆我何言

感事一首再疊前韻呈實甫首世氣難葉德輝

夜深酣飲撥崑崙詩句焚灰和酒吞朝士新成牛李黨書
生猶抱魯齊論航頭斷竹無真迹爨下焦桐有裂痕收拾
名心如槁木滄桑時局復何言

三疊韻和實公

朱益濬

黃河滾滾出崑崙未若滄瀛百谷吞得志豈徒千里潤規
時要合五州論恨無歐冶新磨劍欲補媧皇舊漏痕漢室
賈晁爭獻策籌邊未必在多言

四疊前韻答和章

仙人手把玉崑崙勸我霞漿未敢吞挹袂拍肩若相識搓
酥滴粉不須論瑞蓮曉放紅成暈瑤笋春芽綠有痕祇恐
金釵多謗道飛瓊座上莫輕言

奉和菡卿太守卽席一首用原韻

高談盞欲墮崑崙八九雲夢氣已吞世局從頭都是幻人
心如面不須論金閨奉節傳佳話

先叔著有甲癸夢痕
記在官十年中事

一笑拈花花解語漫疑桃

李本無言

贈純卿太守一首

李祥霖

琵琶座上數崑崙紅豆迷離醉後吞風月坐談今夕永天

花亂墜盡情論文雄北海歸珊瑚謂門下孔墨寶東坡辨

印痕琴志樓主人出示東坡墨蹟欲到米家書畫舫愧無

精品向公言公收藏最富

和佛翼公孫

朱益濬

與君昨夜醉崑崙一舉百觴如虎吞四壁鶯花成絕倒萬

方烽燧此閑論青蓮才調風流伯綠野園林雨露痕佛翼名家

子家有園寶桂鄭蘭香自遠漫將綺語勝箴言林之勝

再和純卿太守卽席二首疊前韻兼呈實甫

葉德輝

崑崙天柱鬱崑崙倒瀉黃河被海吞虎豹九關真是戲鶯

花三月不須論偶憑歌扇通眉語却檢征袍看血痕海上

妖氛何日淨和戎至竟誤姦言

祈連音轉卽崑崙識字須將丹篆吞憂患男兒今日始文

章初祖幾家論黃梁幻境原如夢白壁閒情不着痕著述

無心官興嬾諭秦空有賈山言

本事四首戲疊前韻呈實甫觀察純卿太守佛翼公

孫索和

玉山頽矣玉崑崙紅豆離離共酒吞

鹽飛絮漫同論青春楊柳多風韻碧水桃花染唾痕十萬

崑崙集
四
纏頭難買笑樓臺無地莫輕言

錚錚鐵是黑崑崙花落終防燕子吞一葉驚秋渾不覺二
桃殺士復奚論匣中寶氣藏虹影鏡裏圓姿透月痕始信
承恩非在貌升天入地兩無言
雪膚花貌白崑崙一笑難將滴水吞破鏡上天休再顧明
珠入水與誰論回黃轉綠無才思斷粉零香有淚痕未必
蕭郎真陌路曲中哀怨却難言
珠光劍氣小崑崙乞得雲漿便欲吞彩筆夢中無別賦玉
梅花下有詞論迢迢銀漢窺星度宛轉藍橋認雪痕坐上
唐衢休痛哭相逢相識各忘言

戲和郎園主人本事詩三首

易順鼎

玉堂花照玉崑崙金屋嬌梨怕雨吞飛燕新妝亭北倚明
駝舊恨曲中論鬢鬢欲作湘妃想脂粉難污虢國痕若續
品花修寶鑑前生應是杜梨言

玉梅花下玉崑崙欲把綏桃一口吞傾國濃姿將芍比泥
人甜味作瓜論迷離暮暮朝朝意宛轉花花葉葉痕爲汝
不辭添口業任情風語復華言
珠光壓倒玉崑崙鬢髻薔薇帶露吞姑嫂蓮蘭新月拜夫
妻梅杏落花論鞋尖貼地紅蜻點辮尾撩人翠鳳痕幾度
捲簾相對坐淡如秋菊亦無言

和郎園本事詩三首

李祥霖

玉顏誰似玉崑崙豪飲能將大斗吞蔡女琴心幽怨託陳

尼詩思艷情論驚蛇莫誤虹橋影畫蝶曾畱彩扇痕塞上
琵琶君聽否分明怨恨卻難言

教坊第一玉崑崙細嚼梅花片片吞公主艷妝惟爾點通
仙清供以妻論嬌癡欲解金條脫雕琢何嫌白璧痕記得
酒闌還絮語遷喬出谷古詩言

唐花夜照玉崑崙霞可餐兮露可吞異地才堪為晉用命
名時已作坤論絲絲碧柳纖纖影朶朶金蓮步步痕最好
杏梅分手處無嫌瓜李且長言

和琴志樓郎園本事詩

朱益濬

瓊瑤何必數崑崙四照名花一鏡吞皎皎梅花騷客棄

不錄梅花可為
琴志樓解嘲娟娟蘭葉美人論郎園琴志樓評
蘭與東坡意同橫波被

酒嬌無那暖日生煙玉有痕我欲為公歌白雪薛家唇策
妙難言

賦得珠圓

葉德輝

嬉遊赤水與崑崙網得元珠畏蚌吞去日沉淵光未吐今
時照乘值休論蟻穿九曲玲瓏影鶴舞雙飛玃璨痕四座
玉人俱壓倒嬌喉一串妙難言

賦得玉潤

葉德輝

珍琳寶玉出崑崙貢入天厨碾屑吞赤野求來須穩貼藍
田種出豈虛論坐中塵柄無顏色市上羊車有迹痕曾侍
瑤池王母宴金童再世託筌言

贈蕙卿太守

踢翻壺嶠碎崑崙樓鶴洲鸚那足吞鶯燕本將兒女視虎

龍况以弟兄論

謂令弟艾卿宮詹芸卿孝廉

詩含海國風雲氣衣帶

天家雨露痕廿載相看肝膽在不辭傾吐醉中言

實公惠贈佳章疊韻奉和

君如若木照崑崙我乃空螯未足吞新詠百篇霄壤別素

心一片漆膠論熙寧詞客雲霞契天寶詩人涕泗痕

實公有哭

集夜半雞聲原不惡勉旃前路勿多言

遊仙一首呈寶甫

葉德輝

瓊樓元圃接崑崙火棗如瓜入口吞忽聽鸞凰空翠語間

將龍虎大丹論碧桃紅杏天邊影玉兔銀蟾月裏痕一卷

黃庭一丸藥長生原不在多言

葉德輝

海西一首呈寶甫

葉德輝

海西西海有崑崙日月雙丸倒影吞胡越同舟爭未已春

秋內國例難論金丹那有回天力玉斧終畱畫地痕阮哭

窮途劉頌酒書空殷浩了無言

往事一首戲東寶甫

葉德輝

玉溪生對玉崑崙消渴時將花露吞死負愚忠山鬼笑生

留遺行稗官論空聞碧海青天誓無復朝雲暮雨痕自惜

年華悲往事桂堂來去託空言

未門贈煥彬吏部

李祥霖

黃河九曲出崑崙筆可迴瀾任吐吞墨守每從高密發辨

姦宜與老泉論哀絲豪竹多狂興舞扇歌衫有夢痕畢竟

珠光逾劍氣照人四座盡無言

答佛翼公孫見贈二首

葉德輝

朱門歌舞鬧崑崙曼衍魚龍駭浪吞九畹香宜騷客佩孤
山清並水仙論玉繩低亞簾波影銀燭高燒蠟淚痕况是
名園依綠水花如解笑鳥能言
詩壇覓句賭崑崙才氣青蓮捉月吞門巷烏衣聞燕語歌
筵紅粉當花論拚將絲竹陶情物幻作雲煙過眼痕守黑
守雌家學貴楹書畱得五千言

贈實甫觀察

李祥霖

敲詩爭似奪崑崙丹篆君從早歲吞楚國世家喬木望漢
廷烈士伏蒲論消磨豪氣憐紅粉陶寫閒情藉墨痕最好
羣花歸品第樽前樂令有清言

贈純卿太守二首

葉德輝

神仙小謫去崑崙玉草沙棠任爾吞東觀蓬萊老氏藏儒
林循吏史官論公門桃李多春色公分校鄉闈所得皆知名士金闕觚
稜繞夢痕到處絃歌聲不輟牛刀戲耳記前言
九州以外阻崑崙絕地天通一筆吞玉尺屢陪星使宴寶
刀須共酒徒論秋風汾水才人淚春雨長沙旅客痕記得
金蓮歸院晚木天閒話足清言

煥彬惠贈佳章並見示翼教叢編讀而有感疊前韻

奉酬

朱益濬

君將天柱植崑崙毒霧妖氛一掃吞得罪孫劉誰敢爾折

衷公穀此高論吾曹自重青雲器彼族終憐碧血痕千古
文章鬼神忌達哉莊叟託卮言
漢家舊使出崑崙爾如蠶取次吞欸塞呼韓終反覆分
庭富弼苦爭論諸番金印毀無迹大漠毳廬移有痕當日
天王巡幸地盧龍賣去忍無言
嫖姚旗鼓度崑崙追逐貌奔戢鱷吞今日翻求回紇助彼
軍非復郅支論誰教卧榻儘酣睡却幸戰袍無血痕三十
六人探虎穴出關萬馬竟難言
巉巖月窟瞰崑崙何物蟾蜍被月吞但令將軍天上下豈
煩公子日中論仰看牛斗光如電俯視齊州煙有痕俠骨
忠肝肯多讓微君無以發狂言

續贈純卿太守二首

葉德輝

去天十數里崑崙有酒如泉未敢吞彷彿百神所在歸
來五嶽不須論熊熊珠樹祥雲色躍躍樽桑曉日痕一滴
紅塵成永別靈飛何處覓真言

前生祇合住崑崙五色霞漿日夕吞門第八龍光舊服弟
昆三鳳重時論壺催禁漏披星曙衣染天香帶露痕聞說
大馮多政績在民遺愛在官言

卽景呈煥彬吏部

朱益濬

無聊便自倒崑崙兩盞三杯隨意吞萬仞雲霄看燕沒一
簾風月與花論鶯啼深柳煙搖影魚戲新荷水縐痕光景
旣佳當共醉烏知大義與微言

大義微言異端藉以惑世故戲及之

崑崙集
贈實甫觀察二首

葉德輝

神山一角一崑崙上界仙都早并吞白玉連環交不斷黃金條脫價難論臉光乍奪燕脂色背癢還畱鳥爪痕莫把飛瓊姓名喚夢中先已悔多言

四魂飄蕩過崑崙欲哭無聲忍淚吞二陸才名一門盛三蘇文集八家論朱霞白鶴雲霄物碧血紅羊劫火痕憶否少年衣慘綠座中時發短長言

續贈實甫觀察二首

葉德輝

玉童子獻玉崑崙癡絕吳兒淚暗吞過去生知空色妄無題詩與化工論纔知春水桃花片盡是情蟲血淚痕萬古青天明月影照人歌哭總無言

平生豪氣壓崑崙江海無波寂寞吞萬念忽從消滅起百忙都作等閒論庭前玉樹新歌曲壁上金泥淡墨痕欲向花叢尋舊徑花枝零落與誰言

奉酬煥彬吏部四首

易順鼎

蓬萊隔海對崑崙玉兔金烏互吐吞船五百人徐福載馬三萬里穆王論童男童女雙雙影桃實桃花一一痕十二萬年風日好與君遊戲復何言

天風拂袖下崑崙歸把湘皋冷翠吞李怨牛恩三不管楊肥燕瘦兩堪論笑談兒女英雄事涕唾功名富貴痕天下豈無真健者欲登廣武與君言

大鵬展翅過崑崙誤道蝦蟆把月吞希有鳥宜狂客賦須

彌山豈俗人論一雙手作芙蓉色八九胸無芥蒂痕任爾
虬螭思撼樹我能養氣我知言

須彌山卽是崑崙我法須教芥子吞世界百由旬佛管神
仙十二萬年論天花落後無文字海水枯時有淚痕龍漢
開明彈指過何人寫定一家言

感事二首

李祥霖

遊踪何日到崑崙天半雲霞取次吞介子終軍都莫問嚴
光梅福最堪論猪肝祇恐爲人累鴻爪猶留過客痕騎得
青牛去函谷遺書曾讀五千言

醴泉芳烈出崑崙不是柔腸未許吞燕笑鶯啼都要管蠻
爭蝸觸且休論一枝疏影留紅艷九畹清香拾翠痕更有

低眉菩薩笑靜參禪趣總無言

偕實甫夜話卽用當時語率成二首 葉德輝

紛紛絳樹落崑崙都被春人夢裏吞兒女嬌癡成習氣仙
童狡獪有公論眉心室小沈花韻琴志樓高墮酒痕不信
傾城難再得英雄漢武莫輕言
曾隨穆滿宿崑崙偷折蟠桃被犬吞九轉丹成容我睡三
生劫過與君論閒傾螺黛供眉畫記取鴻泥印爪痕最喜
種花年事好人天清感默無言

和呈煥彬一首

易順鼎

蟠桃何必覓崑崙煮熟青梅亦可吞文學巴偕兵子語英
雄操與使君論我行我法羞眉樣公望公才感鬢痕聞有

仙源好規往莫教輕向世人言
亂拋紅豆下崑崙都付詞人入酒吞
芍藥沉香亭北看櫻桃如意館中論
藍田玉暎春煙氣碧海珠圓夜月痕
傾城非易得千秋漢武是知言

無題一首贈寶甫

搖空海水綠崑崙金闕銀臺百寶吞
千古風流洵浪盡十洲荒渺破天論
月圓月缺原無定潮去潮來總有痕
直待蓬萊清淺日與君訪道析微言

六朝唐人有顏色詩戲仿其體曼崑崙韻

葉德輝

神山紫色紫崑崙青海黃河一氣吞
天上白雲當畫讀人

間赤縣按圖論靈宮翠水藍橋夢真府
朱甍碧瓦痕萬樹桃花紅似綺回頭遙共列仙言

白雲鄉只在崑崙何似柔鄉可并吞
御女圖傳黃帝作閉房記待素王論
且須魚水聯交契安用牛山隕淚痕
千古英雄同一哭信陵醕酒婦人言

平夷漫感

古今紅粉萬崑崙艷骨成灰付蟻吞
四大禪床無我坐三生公案有誰論
月爲天上傷心物海是人間滴淚痕
且對花枝開口笑莫聽不入耳之言

漫賦二首呈寶甫

崑崙集

七

織皮入貢紀崑崙今日長蛇勢漸吞築室自來多異議籌
邊何敢發高論蟲沙世界恒河數牛角山河夕照痕除却
閉關無上策年年交聘有違言
手攀星斗下崑崙見慣仙桃亦懶吞壯歲功名傳舍過中
年哀樂醉鄉論料量芟稅羨租事愛惜珠光劍氣痕髀肉
己生頭漸白惜春空寫萬千言

漫賦富郎園主人

珠圍翠繞一崑崙酒勸長星儘量吞天若有情應亦老古
而無死復奚論十年杜牧青樓夢三見麻姑碧海痕髀肉
縱生頭未白浪淘休信老坡言

珠光

葉德輝

開明坐卧守崑崙拋散珠璣怕雀吞幽夢高唐千載艷交
情膠漆十年論秋心銀漢雲中影春意紅梅雪外痕明月
夜光同護惜點頭終勝石能言

劍氣

葉德輝

空同倚罷倚崑崙劍氣冲霄牛斗吞艷福英雄兒女傳名
花姊妹弟兄論桂華皎潔雲開影芍藥妖嬈雨過痕坐客
有人歌白雪曲高難共楚騷言

珠光和煥彬

易順鼎

媚川鄉更勝崑崙沐浴精華百寶吞照海不愁明月盡連
天宜作瑞星論千年蚌吐真尤物五夜鮫含舊淚痕欲把
夜來來喚汝只防來却是空言

劍氣和煥彬

易順鼎

何年一衛一崑崙
化妝為丸腹內吞
歐冶風胡千載鑄
張華雷煥兩人論
龍泉秋水評無價
牛斗春星射有痕
欲把英雄兒女事
和他紅線隱娘言

珠光之四一首

易順鼎

人人看煞玉崑崙
擲果盈車任細吞
生此甯馨溫嶠謔
賞其神俊道林論
肉紅恰似羊脂色
髮綠還同鳳尾痕
銀漢流輝雲絢彩
吐來華月照清言

珠光之四和實公

李祥霖

人間幾見玉崑崙
九轉仙丹顆顆吞
閬苑靈芝同沆瀣
小山叢桂共評論
分章誰作騎龍想
織錦難忘渡鵲痕
靜女

詩中取彤管更饒嫵媚識前言

雲漢一首

葉德輝

槎迴雲漢望崑崙
星海疑將列宿吞
公瑾醕醪先客醉
河東珠玉後賢論
二分春鬪眉梢色
徑寸光懸掌上痕
採得同心宜作佩
蹇修誰與道私言

感事

李祥霖

何因傾倒玉崑崙
欲怒還羞語半吞
黠鼠固宜蘇子賦
戲猿要與楚狂論
甯為雞口多風議
淡掃娥眉莫露痕
蝶即

近事四首呈實甫

葉德輝

華夷中外隔崑崙
佛說須彌芥子吞
消息忽傳雙電至
升

沈要總八星論鑿開混沌無形竅畫破乾坤太極痕十二
萬年前往事閒來祇共白仙言

小崑崙接大崑崙山勢龍盤萬象吞如此膏腴資敵用還
將肝膽向人論連雞各有爭雄志射虎難尋沒羽痕太息
長城今已失廟堂戰守不輕言
卯人無力鑿崑崙地湧金沙不可吞漫說瑤宮瓊室在只
同海市蜃樓論珠求象罔成非想石補媧皇漏缺痕竊得
枕中鴻寶看化書一卷是陳言
長河如帶繞崑崙倒影乾坤被月吞九塞曾無險可恃六
曹新有律堪論堂前燕雀誼譁語海上蛟龍出沒痕歲幣
久輸民力盡國存禮讓老成言

實甫因公赴鄂以詩贈行疊崑崙韻二首

葉德輝

口銜丹詔下崑崙饑鳳閒尋竹實吞東海魚龍吹浪起南
樓風月過江論幾聲玉笛梅花韻一片春旗楊柳痕鸚鵡
洲空芳草歇重來太白少狂言

瞳瞳海日照崑崙笑爾貪狼不敢吞浮世本如蒼狗幻此
心閒與白鷗論珠香翠暖尊前話綠鬢朱顏鏡裏痕往日
春風遍桃李四時百物欲何言

花時四首疊崑崙韻分詠蘭蓮桂梅

葉德輝

都梁山好亦崑崙種得宜男夢裏吞一浴湯成千日醉四
時香冠百花論輕描綠黛蛾眉樣淡鎖蒼煙鳳尾痕清勝

梅花溫勝玉同心祇合與卿言

崑崙邱外又崑崙玉井蓮開實可吞淨業欲參菩薩乘香魂合並美人論紅肥綠瘦春無色月曉風清夢有痕種出污泥仍不染盈盈淥水妙難言

一枝丹桂出崑崙多恐嫦娥當藥吞恍惚白榆星外落低昂紅杏日邊論三千鳳集香雲影八九鳥飛落月痕獨立廣寒高處望夢聽仙樂爲余言

玉妃昨夜降崑崙亂散瓊瑤月下吞東閣風流思往事西湖雪霽待重論六花白處凝脂色一萼紅時笑靨痕莫道心腸真鐵石廣平詞賦麗千言

惆悵詞六首疊崑崙韻洞庭舟中作抵琴志樓柬寄

煥彬吏部

易順鼎

安排宴罷奪崑崙要把天台桂子吞鎖骨本爲菩薩號冰肌還當藐姑論數聲啼鴉催春色一點靈犀照酒痕莫道雙星容易會六張五角事難言

蓬山不恨恨崑崙惆悵劉郎淚暗吞風雨殘春桃渡感

詞星辰昨夜桂堂論眉心約略皆愁語肩臂分明有嚙痕

今日願爲情死否琅邪先我已曾言

天風吹夢過崑崙桃實輸他曼倩吞桂可留人香正好枝先結子事休論尊中竹葉皆愁物笛裏梅花是淚痕今夜嫦娥亦悽絕廣寒宮閉悄無言

相如無分到崑崙渴想金莖露一吞金屋藏嬌盟總負玉

臺對簿罪堪論啼鵲淚作桃花色饑鳳餐惟竹實痕拚墮
泥犁猶不悔况他天變與人言

藍橋風景似崑崙到口瓊漿悔未吞記睹橫陳將玉比許
窺新浴不金論人間淚海三生眷天末眉山兩點痕料得
今宵也惆悵悽然擁髻背燈言

黃衫無處覓崑崙只有青衫賺淚吞昌谷花將紅雨譬樊
川葉已綠陰論峯疑神女添眉黛海爲麻姑照鬢痕羅襪
凌波波路阻十三行費幾千言

和惆悵詞六首書寄實甫

葉德輝

匡廬親舍卽崑崙陸橘採懷未忍吞山靜祇聞猿鶴語風
來都作馬牛論千年鮑謝留題處兩點金焦擁髻痕惆悵

潯陽江上月琵琶聲急不能言

江壇高宴似崑崙天末雲霞羽客吞玉白花紅才子賦鸞
翔鳳翥眾仙論珮環聲斷雙駢影鑪篆香添兩袖痕萼綠
華歸春事盡人天惆悵也無言

廣寒宮殿是崑崙桂子含香到手吞月窟可憐幽夢短天
台已作舊遊論曾隨王母旗翻影不見吳剛斧鑿痕綠葉
成陰枉惆悵及時行樂與君言

麓雲遙似隔崑崙手種仙桃恨未吞河漢影隨湘翠冷蓀
莖香付楚騷論無鹽莫問調羹事有淚頻添結紉痕一讀
新詞一惆悵江天寥廓共誰言

天風吹我墮崑崙無數人才腹笥吞郭密香來書代奮念

奴嬌好曲須論花枝也帶風雲氣桂葉猶沾月露痕寄語
王郎莫惆悵自甘情死復何言
白雲黃竹夢崑崙阿母厨珍任飽吞詩比紅兒金屋艷經
傳素女玉房論牽牛渡鵲花間約倒鳳顛鸞枕上痕舊事
思量總惆悵藏鉤射覆兩無言

崑崙集續

遊仙詩四首

易順鼎

已亥六月由金陵還長沙盛暑如焚大病幾死病
中伏枕作此四詩但求對仗工穩非有寄託也然
五十年後必有揚子雲其人者爲作鄭箋一笑
羣仙昨夜會崑崙狼藉殘桃吐復吞城未主蓉丁石憾山
宜招桂卯金論傳書柳毅空釵響斫樹吳剛但斧痕上界
漫矜官府足鞭笞鸞鳳事難言
天雞一唱白崑崙濤湧扶桑日倒吞緱嶺虛傳騎鶴到旌
陽浪把斬蛟論果殘秋樹聞猿語茸養春山見鹿痕昨夢
玉皇香案側才難也寫聖經言

通天臺上望崑崙承露金莖幾輩吞拔宅仙因雞犬累當
關帝作虎狼論難瞞紅婢尸居氣易見青奴肺附痕羸得
南朝沈恭子驚才來奏綠章言
曹蜎李志滿崑崙此座仙山怕海吞貓貉狐狸諸種噉螟
蛉螺贏二豪論月明鍾阜無王氣花落湘皋有夢痕長嘯
一聲歸去也壺天間對老仙言

和遊仙詩四首呈實甫其人善飲葉德輝

仙山何處不崑崙雞肋難同鳳髓吞委羽洞中丹訣漏通
明殿上綠章論誰尋張果騎驢影但見劉綱唾鯉痕五百
年間飛却過太清容我發狂言

萬重煙霧隱崑崙僥倖誰將絳雪吞胡女丹圖窺內景袁

公劍術託空論鬼神前席荒唐問朝暮行雲斷續痕袖卻
鞭笞鸞鳳手與君閒究洞靈言

巨鰲無力負崑崙怒捲風濤日夜吞一世界如蓮葉幻萬
人海以米珠論神仙宮闕金銀氣兒女湖山粉黛痕修到
飛昇仍拔宅人天家累各難言

東風吹醒睡崑崙記得胡麻醉後吞桃葉渡頭情最感蓬
萊宮裏道初論書傳紫鳳金泥字函瀉青龍玉液痕聞說
仙都多擾攘此行休更憶華言

人間菴卿同年太守攝沅州府篆詩以贈行曼前崑崙韻

正對時溽暑新雨後也 王言 葉德輝

雄關咫尺近崑崙荒微蠻煙一掃吞桑柘村中春欲老芙

蓉樓外景堪論天風拂袖鳴絃韻膏雨隨車潤物痕今日
五溪烽燧淨兩階干羽拜 王言
人間福地幾崑崙句漏丹沙已早吞馬服勳名銅柱遠龍
標詩價錦江論丁年甲帳升沈感酉洞辛巖過化痕從古
偏沅資鎮撫懷柔曾誦九經言
仙山寶笈貯崑崙萬軸琳瑯腹內吞元白風流酬唱樂龔
黃政績後先論兒童竹馬青絲絡太守花驄赤綬痕問獄
平反賢母教承歡一卷治平言
一麾江海別崑崙早賜金莖露已吞臥閣喜聞東海治遊
山好當永嘉論六聲館靜敲冰宴五瑞崖高勒石痕良吏
官尊二千秩政平訟理孝宣言

代贈

葉德輝

綠窗朱戶掩崑崙曉起誰拈厠棗吞錦瑟無端成隱事香
衾孤負祇空論煙花處處傷心物脂粉朝朝洗面痕自檢
妝奩思綺語金荃一集是知言

夜飲歸賦呈實甫觀察

李祥霖

誰家釀酒號崑崙坐對名花任意吞綺語且從來日懺賞
音須與故人論莫嫌翠袖含愁思一例青衫染淚痕記得
提壺村外路綠陰深處聽禽言

實甫酬予詩有童男童女雙雙影桃實桃花一一痕
之句爲時傳誦因憶洪稚存卷施閣集詩有題秦
人種桃采芝圖六言絕句云童男童女五百桃實

桃花萬千何不成鄉里婚男嫁女耕田不知實
甫藍本耶抑偶合耶爰廣其意和之云

葉德輝

海波如鏡對崑崙無數星宮背面吞遊戲東方飢欲死求
仙徐福恨難論三千桃實花顏色五百童男女淚痕不信
人間情種絕悽然共爾一鐙言

畚煥彬憶卷施閣題秦人圖之作

易順鼎

蟠桃如斗挂崑崙海棗如瓜更可吞五百童男童女配三
千一實一花論朱陳村有神仙氣藍本書無劫火痕安得
與君同老此采芝采藥兩忘言

再衍秦人種桃采芝圖詩意二首和實甫

葉德輝

仙源風景勝崑崙丹餌聊充果餌吞地有桑麻花更好世
忘漢魏晉何論人間天上千年夢日下西王兩界痕芝草
九光桃五色紅男綠女畫中言

何年濯髮上崑崙手摘星辰顆顆吞采藥未隨毛女去餐
芝豈向肉人論一輪桂魄扶雲影萬點桃花照海痕最羨
雙雙仙眷屬不須媒妁與通言

衍題秦人圖詩意再成一律呈煥彬 易順鼎

秦人闢地勝崑崙也比蠶鯨食與吞蓬島一千男女佔桃
源數萬子孫論芝爲綺季山中物棗是安期海上痕合寫
丹青圖幅好美哉仙隱樂何言

實甫自金陵歸爲述近事有感作此 葉德輝

人間視肉滿崑崙坐看巴蛇把象吞雉兔同籠百雞術鳩
鵬自樂二蟲論山空虎踞龍盤影庫斷青霜紫電痕端坐
漫啗泥塑客當年搏土本無言

崑崙集編成作俳體二首書後兼衍哭盦詩意

葉德輝

雲郎歷劫化崑崙實甫近從金陵爲繆小山太史題湖海樓侍史雲郎小像梅影梅身

坐臥吞無肉竹絲無曲顧有童男女有情論坐中一一桃

花色壁上雙雙菜葉痕用汪東山殿撰故事留得秦時明月在仙源

百向外人言

桃花結實滿崑崙摘入金盤捧露吞東日變童新詠出南

風小吏豔歌論晶簾倒捲秋河影翠被偷攀春水痕雌去
雄飛天萬里綺懷愁向酒闌言

蕤卿太守之任偏沅疊前韻贈別 易順鼎

楊枝手把下崑崙露灑沅湘萬口吞八座起居朱紱寵一
麾出守紫微論丙丁而後觚稜夢辰酉之間屐齒痕他日

戴程南安新應兄弟繼美門才暉映史官言

佛翼世先生寵錫佳篇疊前韻奉贈 易順鼎

黃河九曲出崑崙千百川流次第吞紅拂虬髯宜李對烏
衣馬糞並王論門無累葉金貂氣座有羣花玉塵痕珍重
名園好喬木清陰留與路人言

和俳體二首韻贈免份吏部卽題崑崙集後

導源星宿發崑崙太史文章吏部吞漢室今無蠶室罰梁
園古以免園論西鳥北雁新琴曲東馬南狐舊墨痕已放
起衰原道手平章風月更清言
名花朵朵謫崑崙珍重休教下界吞對美人如牡丹豔驚
知已不牝黃論操眞月旦題襟雅癖左風懷斷袖痕棖觸
閒情還笑我雲郎事向辟疆言
劇飲卽席書見續俳體二首
俳優百戲舞崑崙火吐俄驚刀又吞萬歲千秋無此樂三
郎亞子共誰論後庭花照屏風豔上界鐘搖璧月痕不信
美男能破老枕衾獨旦是訛言

其尻安在問崑崙椒桂含辛楚客吞燕燕于飛離恨短雙
雙而至合歡論公羊疏引舊說以雙雙爲獸名雄狐雌兔緣情賦海鰈雲
鷄綺夢痕千古大王風最快當時宋玉已昌言

實甫觀察招飲聽劇

朱益濬

纍纍桃核亞崑崙當日遊仙得飽吞卽事又成良宴會登
場且與眾評論謝安絲竹新詞譜白傅簪裾舊酒痕唱到
岐王崔九句四筵傾耳欲忘言

遊仙戲學吳體

朱益濬

道人爲我誇崑崙閱微草堂有道士遊崑崙事玉筍瑤華隨口吞有時
騎鳳遊汗湯亦或呼雞對談論戲敲月光玻璃響亂竅混
沌斧鑿痕諸天菩薩何處是卽園有三菩薩詩茫茫四顧待誰言

琴志樓卽園各有本事詩見示僕無事足述姑寄所

懷藉附同調

朱益濬

所思如玉出崑崙贈我瓊華鮮可吞七寶連環邀客解九
霞丹訣背人論黃鸝去後花無韻白鳳歸來月有痕曾勸
檀郎行不得春風未免負禽言

所思如月照崑崙欲吐離愁忍復吞斫桂吳剛當重戒偷
桃曼倩以輕論夜來暗蹋梧桐影春去紅餘芍藥痕廿四
橋邊曾教曲何緣重與玉人言

所思如雪壓崑崙吹落梨花被海吞公子才華將斗計美
人明月以分論屈刀作鏡猶寒膽擣麝成塵漸滅痕西望
瑤池消息斷但憑青鳥與傳言

所思更屬小崑崙荳蔻梢頭漸可吞離恨難教風伯掃閒
愁只與月娥論碧桃復活真成幸紫玉成烟不見痕我是
維摩老居士天花散後欲無言

題崑崙唱和詩後

朱益濬

諸君奮筆撼崑崙仰摘星辰取月吞石爛海枯情不死天
高地迴意難論尊前風雨三生約紙上雲烟萬古痕自恨
枯腸無綺思聊將筴弄答蘭言

詞源浩浩泝崑崙才到曹劉孰敢吞信是三峰當並峙豈
勝四杰與同論一時興會娛文酒百歲光陰剩墨痕留作
他年紅豆樹披箋如對故人言

純卿太守善以拘體爲律詩因效其體

葉德輝

綠波瀲灩浮崑崙碧筒作杯撓酒吞呂舉措有伶人學孫
叔敖與優孟論中郎典型虎賁貌玉溪擗擗獺祭痕固知
萬事如傀儡一笑仰天無可言
夜乘虎豹遊崑崙下視星斗海水吞傳聞神女有珠贈不
見風胡無劍論拔舌豈畏泥犁獄穿尻忽覩衣帶痕狂奴
故態本如此獨立四顧縱橫言

己亥秋日之官沅州實甫觀察與份吏部寵贈佳章

疊韻奉和卽以留別

朱益濬

幾回相約醉崑崙底事停杯惜未吞渺渺烟波千里別噉
噉寒暑一家論秋風何處尋行迹後會他年感鬢痕得友

最難得官易宦情羈思豈勝言

卽席送實甫觀察歸朗州

朱益濬

金尊檀板按崑崙忽變驪歌吐復吞膾此一宵須盡醉爾
來萬事不堪論蘆花風急客將去橘柚霜輕秋有痕莫向
溪邊尋古洞東山何以謝人言

奉和蕤丈離席原韻

易順鼎

玉山推倒似崑崙瀲灩金杯帶月吞歸去來兮須盡醉別
而已矣復何論舞臺收罷青鸞影畫檻堆殘絳蠟痕西出
陽關君與我莫將離緒對花言

實甫觀察招飲劇席因病未赴疊韻致謝

李祥霖

樽前鼓吹鬧崑崙錦簇花團互吐吞得寶藏嬌雙韻事尋
梅探桂一身論舞潛蛟否江濤影看曉雲生海日痕我病
未能增眼福秋窗聽雨苦難言

和實甫觀察離席二首並柬朱沅州葉德輝西出

陽關西出是崑崙淚眼相逢黯黯吞午夜笙歌須痛飲清
時鐘鼓待重論金鈴十萬春無主珠履三千酒有痕莫向
離筵誇得寶蒼茫人海恨難言

玉塵十斛掃崑崙蓮子金盃對月吞鈿盒一雙情已定香
匳卅六體同論彩雲天上如泡影春水池中有縐痕我爲
年來哀窈窕銷魂銷骨畏多言

既別數日尙未成行復疊前韵呈實公

朱益濬

君將西去訪崑崙我亦南遊覓酒吞多恐鳴騶先我發且
停征棹與君論花因勸酒翻新樣燕爲辭巢戀舊痕對此
頓增時命感欲商行止已忘言

和朱沅州疊韻畱別

易順鼎

江風吹浪撼崑崙翠嶂丹崖互吐吞今夜想君孤棹泊何
時重與一尊論杜陵夔府新秋興太白龍標舊夢痕紅豆
懷人應把酒郵筒珍重寄長言

別後實公招飲聽劇因婦病未克赴約詩以謝之

朱益濬

知君計欲奪崑崙飲我醅醪悔未吞中歲每牽兒女累別

筵甯復主賓論吾曹去住皆天意昨夜星辰繞夢痕想見
坐花還醉月無緣陪奉尙何言

閱崑崙集有感呈實甫觀察煥彬吏部

朱益濬

詩中一首一崑崙無數煙雲筆下吞獨我氈毳鸚鵡舞諸
君文采鳳凰論長安車馬三春夢大地山河九點痕何似
騷壇恣嘲弄強如溫樹不輕言

洞庭舟中寄懷煥彬吏部並呈實公 朱益濬

別來無復賦崑崙攜得雙柑獨自吞天末涼風吹客夢湖
邊好景向誰論冰輪出海千山影銀漢橫空一道痕欲寫
秋光遙寄興個中佳趣却難言

奉和純卿太守洞庭舟中寄懷之作 葉德輝

君山如髻擬崑崙湖水秋光一雁吞去後歌筵增別恨幾
時文酒快重論旗亭賭唱黃河句樂府新聲白雪痕多謝
行人頻問訊臨歧珍重久要言

卽事有作疊韻和同詠諸公

易順鼎

河宗獻寶到崑崙未若宏農得便吞還賴石尤風作合欲
邀新舊雨同論青猿銀鹿添詩料赤豹文狸寫淚痕一半
勾畱甯爲此有人妙解樂天言純公來書謂余云正恐香
山翁尙未能拋得耳
宏農得汝勝崑崙僥倖紅霞一口吞天寶改元新寵擅承
和修禊舊家論解嘲祇當揚雄作睡臉初開定子痕一卷
摭言欣入手從今長摭摭言言

和實甫卽事三首

葉德輝

瑯琊風調賽崑崙斗酒惟邀學士吞
葉令飛鳧張網得緱山控鶴弄簫
論啞啞似白頸烏語濯濯如春月
柳痕信是江東能獨步醉時歌舞醒
時言玉卮無當笑崑崙腹稿成時墨
已吞生此甯馨兒大好莫將阿堵物
輕論碧雞金馬三春夢瑤樹瓊林四
照痕一卷撫言還熟讀閒情須與可
人言公

實甫招飲卽席率成二首

葉德輝

遊仙一枕到崑崙有棗休教囹圄吞
八九胸無雲夢在三千首與翰林論
風懷左癖兼詩癖雨意潮痕半酒痕
座上安陵人不識須知楚寶楚書言

河山泡影渺崑崙瓊蛤何曾被蠚吞
墨翟尚同同亦異莊周齊物物難論
我因逃世看春色君為哀時有淚痕
拋却特豚殘冷炙白頭無悔是斯言

卽事疊呈煥彬吏部

易順鼎

蟠桃三次盜崑崙那及餘桃衛國吞
尤物移人何必諱是鄉老我不須論
生生世世唐宮誓暮暮朝朝楚岫痕
得遇靈簫吾四紀低徊感嘆定盒言
平生幽恨積崑崙得寶歌成淚轉吞
末路竟蒙蒼帝眷他年還付紫陽論
賴卿十二分春色消我三千丈雪痕
信有美男能破老逸周書是聖人言

疊韻再和實甫五兄卽事之作

葉德輝

胸中塊壘化崑崙何物澆愁把酒吞黃菊秋光三處近綠
楊春色兩家論馬無北轍南轅志龍有東鱗西爪痕除卻
巫山與滄海世間靡所說愁言
紅綃心事付崑崙遺恨如吳失計吞卻讓上風桃李占莫
將下體菲葑論千絲寶帳畱香夢十斛明珠是淚痕別有
孤懷託頑艷罪言誰信卽忠言
青衣紅袖兩崑崙玉貌崔生席捲吞化作鴛鴦唐殿去夢
爲蝴蝶漆園論同舟我負神仙望贈扇君畱雪月痕忽聽
王郎歌斫地當筵垂淚各無言

關河百二壯崑崙秦鹿終歸赤帝吞郭舍人因倖倡進董
嬌嬈以盛年論黃驄陌上春塵影朱雀橋邊夕照痕身世

萬千哀樂感閒情一賦是閒言

靈鷲主人造思古人牋以寓景行之意余與實甫約
爲思古人詩僅得十首壘前韻索和有兵家子譏
余不當下比梅村余言文山正氣歌欲爲嚴將軍
頭嚴將軍果足取重於文山耶昔王文簡論詩言
詩人計興會不計道里余於此詩亦竊比云爾

龍門高峻極崑崙禾黍秋風淚自吞六代繁華亡國憾三

家壇坫主盟論江南花落多愁緒薊北霜高有夢痕一曲

王郎聽不得五陵年少莫輕言

五銖童子小崑崙羞澀珠喉啜似吞宋玉才名臺下賦陸

郎年紀酒邊論吳江翦得橫波影梁苑分來艷雪痕回首
文茵歌舞地陳髯狂笑曲師言宋牧仲用陳其年定風
波詞第二首牧仲虞美人

紫雲風貌冠崑崙湖海樓高百尺吞客路三千叔文老功
名五十博陵論祇聞么鳳啁啾語那有前魚涕泣痕自譜

玉人歌一闋未妨惆悵是愁言陳其年

眼中芒角射崑崙悲嘯無端有淚吞歸有謝榛文章知己
共湯斌汪琬學派幾人論五湖歸夢蒼波影萬里游踪碧

草痕日誦楞嚴經兩卷吳兒木石也知言計甫草
玉堂仙客謫崑崙列宿羅胸廿八吞北里東家游興懶西
湯南蔣賞音論枕書瑤祿談星命壁畫縱橫漏日痕千尺

桃花萬家酒汪倫豪俠喜狂言汪東山

部婁邨得比崑崙山入靈巖萬壑吞畫日文章三館貴凌
煙事業百年論兔園鴻雪空陳迹虎阜鶯花憶夢痕艷福

平生消受早焚香夜對桂郎言畢秋帆

龍媒天馬出崑崙用吳梅村句玉醴無源自可吞李白才憐飛

燕倚劉三情好媚猪論碧分宮錦歌裙色紅照春燈舞鬢
痕慙媿當時嚴侍讀相思枉自託禽言李玉淵嚴冬友

仙都早歲別崑崙江左名花此老吞東觀文章才子望南
朝風月寓公論芙蓉帳暖銀燈影蓮葉盃銜玉樹痕海內
推袁名已重悠悠身後聽浮言袁子才

萬山起伏視崑崙虎卧龍跳筆下吞學佛早通歡喜法談

讀 卷

詩也作色空論黃金不惜教歌舞碧玉何曾著點痕老去
五雲都遣散舊聞畱與履園言 王夢樓

岱南高閣埒崑崙六籍笙簧學海吞董子下帷真苦讀邠
生入幕好高論少年行愛楊枝舞本事詩成芍藥痕勘定
郭公文未闕平生私淑說經言 孫伯淵

燕續本事詩四首調實甫卽送其回朗州

當筵一曲醉崑崙鼎鬯曾嘗卻未吞張孔容華瓊樹見董

秦官爵玉川論新詞譜出籠鵝曲好夢圓成化蝶痕往日

招搖同過市餘桃何恤市人言 登谷畫日文章三前貴
乘查一夜到崑崙偷得蟠桃放膽吞拋卻九頭師子物來

尋三耳秀才論燕梁穩宿忘心事鵲渡填成露尾痕壯歲

風情原不惡山盟海誓夜深言

飛牆百尺隱崑崙醉把玲瓏骰子吞狎客漸隨詞客散春
人好共玉人論青年跌宕繁華夢紅粉消磨綺障痕末路

英雄真可笑分香賣履好煩言 墨吞世六
柔腸百轉繞崑崙同病相思鵲腦吞得寶固應于野獲銷

金真好以窩論三營兔窟成歸計一道羊溝劃界痕未卜
他生還有約白頭休作負心言

本意示同詠諸公 葉德輝

羽陵不蠹蠹崑崙食盡神仙沒物吞蒼字成時聞兔哭玄
風勝處與雞論人言少艾甘情死我說如花是劫痕剩此

一重公案在更無功罪待他言
新詩百首百崑崙思到無聊字亦吞
檣杙書成淮雨亂離
騷經補楚風論可憐飛鳥投懷意總是哀鴻滿目痕胞與
難訓民物量眼前光景寓歡言

金已亥八月由長沙返里途中和崑崙韻六章卽事抒

懷奉寄煥彬同社諸君子

西崑誦唱變崑崙欲把楊劉壁壘吞卅六體從温尉創十

三行並洛神論一池春水吹無迹四壁秋波畫有痕賭句

旗亭添韻事他年誰撫大唐言

麗廈煥彬藏書處百尺接崑崙湖海元龍氣儘吞駢體文雄鴻

博副鳶肩相貴馬周論功名日者橋邊語身世雲郎鏡裏

痕我亦飛騰過四十頭顱如此不堪言

兩年塵土積崑崙芒角槎身祇自吞斷袖豈同年少癖倒

綳聊作阿婆論傾來一肚皮中物寫出三毫頰上痕羊肉

太肥猪肉冷請君思我此時言

明眸玉貌勝崑崙况有珠喉妙吐吞鄉號溫柔飛燕讓館

名如意季龍論酒邊國色春無賴衣上天香夜有痕何福

分能消受汝黃衫恩重報難言

櫻桃花下小崑崙曾把櫻桃幾度吞修到梅宜金屋貯折

來柳以玉關論西風人比黃花瘦南國春餘紅豆痕最是

難勝惆悵處別時有淚卻無言

涼風天末起崑崙猶幸聲非死別吞此後尺書須屢寄何

時尊酒得重論春簾燕尾雙雙影秋浦魚鱗六六痕更有
如花人附候雲箋旁署滌蘅言

昔楊孟載論李義山無題詩以謂音調清婉雖極其
穠麗皆託於臣不忘君之義斯言洵義山知己也
余生平不喜爲詩今歲夏秋間與同社諸君更唱
迭和竟逾百首適實甫五兄又以六詩見投深
有合於義山之旨因依意和之腐木漁鼓不足供
大雅一喙然於孟載之論義山則固未有背也

葉德輝

碧桃紅杏照崑崙化作雲霞海欲吞太史文章牛馬走慕
容姿貌鳳凰論蕭閒並愛童初學藥轉難尋夜合痕綺歲
艷情渾不減相親相近每忘言
博山鑪子鏤崑崙沈水香濃獸口吞入世本來無我相傷
春因託不平論神仙郭四朝如夢風月張三影有痕幾度
聞歌還下淚唾壺擊碎卻無言
山人扇子署崑崙牢落悲歌淚暗吞生世不諧齋有幾相
君之背貴難論風清月白愁來緒雨過天青夢落痕記得
巫山巫峽路別時珍重兩三言
溫柔不戀戀崑崙虹飲泉如驥渴吞七二水嬉真幻想三
千蠻舞是閒論袖中鐵笛穿雲響座上琵琶偃月痕燕趙
古稱多忼慨明時憂憤託狂言
羽鱗無便達崑崙火棗交梨并欲吞好色賦從騷體變遊

仙詩雜道家論風光溱洧興中比富貴邯鄲夢裏痕此去
燕臺休悵望黃金揮盡復何言

萬花如錦羃崑崙錦簇花團獨坐吞五色霞光神雨過九
霄雲氣相風論檀槽捍撥臨春曲松蓋低昂戲彩痕魏闕
江湖同一夢美人香草屈平言

續思古人詩四首

葉德輝

笙歌小隊列崑崙白首哀時血淚吞一曲紫雲聽已慣雙
聲金菊妙難論秦簫解作蠻腰舞花乳羞遮便面痕老去
楊枝都遣散風流誰共樸巢言

冒巢民

青天蜀道似崑崙收拾鶯花袖裏吞金縷曲憑紅豆記黑
甜鄉並白雲論尊前雁柱人千里鏡底鸞鏡月一痕宋玉

當年最搖落招魂爲賦大招言

宋荔裳

誰家侍史艷崑崙一朵夫渠鏡影吞把酒斜陽今日恨畫
眉春色遠山論波心月白搖魂碎人面花紅映肉痕杏樹
海棠零落盡風前張緒恰無言

宋轅文

力排閭闔蹴崑崙俯視堯峰氣欲吞詩法生新吳下重歡
踪離合越中論浮名白簡休官味悵別紅亭灑淚痕風雅
吾宗陵替甚橫山一集少知言

葉橫山

陽臺四首

葉德輝

黃金屈膝玉崑崙花氣微醺夢裏吞倒好嬉描春色膩旃
羅含照佛光論迴看北斗闌干影喜見南枝窈窕痕官是
屯田人庫穴閒情休共宦情言


侯門深似阻崑崙芳餌無魚上釣吞衛國夏丁優狡愛霍
家奴子羽林論簾前鸚鵡偷簧舌被底鴛鴦濯錦痕三十
三天俱色界風流不向個儂言
當門萬里見崑崙好句何人活剝吞火候林間梅子熟風
情嶺外荔支論月波瀲灩三更影雲氣空濛九曲痕一樣
迷離還撲朔眼花撩亂口難言
踏歌夜半起崑崙幾樹瓊花見欲吞周匝幸無亡虜辱何
欺祇作舊人論薰籠並倚調香屑舞袖雙迴剩淚痕莫問
旁行求偶意誚青衣賦是名言

戲贈二首

葉德輝

蛤中一佛一崑崙妙相莊嚴水月吞南國逢君詞客感北

方絕世倖倡論書聲琴韻陪清話酒綠燈紅憶夢痕最喜
問年瓜未破幾回含笑更無言
海天明月照崑崙無限光明地軸吞對酒莫嫌良夜短賞
花須及少年論雲嬌雨帶千愁緒紫韻紅腔一笑痕悵悵
梁園舊時客知音幾輩是知言



崑崙集附

贈朱蕤卿太守步卽席原韻

釋敬安

何年仙客下崑崙欲把西江一口吞金粟前身應已悟玉
堂舊事且休論偶迎龍藏尋僧話曾讀羊碑拭淚痕政事
文章在人口不勞吃吃老僧言

和琴志樓主人崑崙韻一首

釋敬安

多生積骨等崑崙淚點都歸恨海吞別有傷心惟自哭難
將此意與人論東西南北魂無語富貴功名夢有痕山水
情濃恩怨淡英雄本色是真言

曼崑崙韻呈實甫觀察蕤卿太守煥彬吏部佛翼公

孫二首

釋敬安

神遊吾亦到崑崙日月雙丸近可吞
蹈海求仙徒自困生天成佛豈虛論
寒巖枯木孤禪意流水桃花舊淚痕
老我津梁了無濟聊持半偈息羣言

休誇大海與崑崙彌勒能將巨口吞
十世古今俱是幻孤雲懷抱共誰論
等觀佛祖袋中屑淨拭河山鏡上痕
不二法門親證入拈花一笑竟無言首

文章贈寄禪上人

李祥霖

閻邱筆峻極崑崙背負須彌巨海吞
四大皆空無我相一塵不染與誰論
觀雲悟得雲行意敲月吟成月吐痕
乞惠貫休詩幾卷敢憑俚句使通言贈

奉畚佛翼公孫

釋敬安

衡山突兀卽崑崙萬古雲霞自吐吞
芋火巖高香尚在石頭路滑道誰論
禪宗燈續馬師派神禹碑畱烏篆
痕七二峯巒青到眼把筇指點爲君言

奉贈煥彬吏部

釋敬安

高懷直欲小崑崙雲夢胸中八九吞
獨抱孤忠憂晚事力排邪說吐清論
愁聞電埃傳邊警忍見銅人泣露痕
厝火然薪時已至治安徒有賈生言

謝寄禪上人

葉德輝

十方交綫起崑崙世界由旬佛子吞
戒律嚴逾詩律細禪心妙合道心論
林泉清供煙霞味花月前因水鏡痕
夜半潮聲催漏轉相邀同聽廣長言

奉讀崑崙韻唱和諸篇率題一律

楊逢辰

生綃幾幅畫崑崙幻出煙雲自吐吞紅豆柔情詩裏寄青衫幽怨曲中論賭強慣曼尖又韻鏤采渾忘斧鑿痕莫向江南寫哀感落花時節總無言

奉和諸公崑崙韻二首

王祖蔭

羣仙芳讌詠崑崙劍氣珠光勢并吞珥筆餘芬供咳唾蘇軾太調梅清暇費評論實甫觀察時縹囊舊業傳詩派佛翼尊尊祖文恭公有粉署新裁燦墨痕煥彬樺燭醜相映芋香山館集行世處雲璈聽罷灑蘭言

描摹小史喚崑崙落紙煙雲妙吐吞蘭佩含香應共襲梅妝入畫總堪論燈前桂魄飛輪影鏡裏花枝印黛痕把酒

評量饒韻事橫流今已息羣言

感懷一首呈煥彬吏部

湯聘珍

曾驅健騎向崑崙雪壓天山氣欲吞卅載艱危如夢幻一官得失任人論眼看大纛驚新擁血濺征袍撫舊痕千古滄桑都不管繩床偃卧渾無言

奉和幼安方伯感懷一首

葉德輝

壯年跌宕走崑崙長嘯歸來海嶽吞羣季交遊惟我隱中興事業與公論壁間寶劍星辰氣塞上征袍雨雪痕棠舍東南碑在口至今遺愛部民言

訓煥彬吏部二首

王先謙

眼前培塿抵崑崙坐想雲夢共吐吞排日課書聊自適幽

居有味與君論頭顱白怯繁花燼衫袖烏盈淡墨痕珍重
牙琴山水契要從千古證蘭言

閩邱筆峻邁崑崙脚底狂濤氣盡吞不信劉歆能改傳恥
從張禹學爲論分題走筆詩無債感事傾襟酒有痕時局
如棋思國手盈廷誰是顧師言

呈葵園祭酒

葉德輝

著書體似導崑崙九曲分流萬派吞鼎足同朝張李並經
心曠代漢唐論文章南閣無奇字絲竹東山有淚痕馬帳
我從盧氏學再傳差喜續微言

題東山草堂圖贈陳笠唐觀察

葉德輝

東山小隱亦崑崙江獼林烏覓食吞前此登臨如我少人

生行樂及時論風霜塞北抵廬夢煙月江南多繡痕五十
頭顱猶未白憂時曾獻策千言

葵園前輩有次崑崙韻之作疊前韻和呈

朱益濬

眼前突兀見崑崙上界雲霞供吐吞天許詞臣鏡湖去人
將此老香山論家家藏得菁華錄歲歲添將筆墨痕顧我
學詩耽倩盼先生乃肯與商言

次韻奉送蕤卿太守赴沅州任

王先謙

早陪軒帝謁崑崙俯視曹劉不足吞名業會須千社祝文
章還共一尊論銀釵促曲添新誦珠履行吟記舊痕更放
清光照衰朽任棠伏戶欲何言

曼韻二首題諸公崑崙唱和之作兼贈實公入都

詞峯峻極轟崑崙五色牟尼大海吞吏部文章相揖讓翰
林風月待評論篋中諫草都成血衣上天花不著痕君父
恩深難報畚焚香長白世尊言

何人更解唱崑崙別淚臨歧各暗吞出岫無心雲自懶冲
霄有志鶴同論好憑造化回旋力重補山河破碎痕我已
辭家猶憫世公勤王事復何言

曼韻贈葵園老人

巍然魯殿比崑崙學到河汾萬派吞自註六經傳正脈獨
持高議息羣論東山絲竹陶情緒北極星辰繞夢痕知念

時艱心更苦白頭猶復闡微言

感事再曼前韻呈葵園老人

兩輪日月繞崑崙欲被修羅取次吞世出世間俱有累人
非人等不須論牟尼寶殿含愁影帝釋花冠現萎痕莫遣
狂龍更流毒大鵬忍負負天言

讀崑崙集有感卽題其後曼元韻十首

陳慶森

列仙壇坵競崑崙丹篆齊教夢裏吞北海聲名早相識

西崑訓倡更何論十香粉墨新詞句三雅江湖舊夢

痕自古湘纍飽幽怨美人香草寄蘭言

何年曼倩謫崑崙妃女脣脂恣意吞似聽清宵歡子曲還

同雜事秘辛論三生艷福雙修影一點情灰萬劫痕鏡檻
井泥無限恨玉谿懷抱恐難言
神山十笏隔崑崙虎豹當關魍魎吞石爛海枯何日了升
天成佛幾人論手鑄碧落金銀字眼見明河清淺痕曾是
桂堂東畔路星辰惆悵不堪言

前身彷彿住崑崙手把珊瑚十丈吞滾滾夢塵彈缺去茫
茫歧路染絲論人天忉利華鬢影兒女恩讐寶劍痕閨苑
風高忽吹墮碧城十二向誰言
溫柔鄉卽小崑崙委婉情瀾互吐吞妙舞身將飛燕比橫
陳體合媚豬論藍田種玉花無色紅海吹波月有痕枕角
屏山天樣遠青鸞空寄札千言

藍橋路已阻崑崙枉乞瓊漿當淚吞錦瑟年華愁裡度樗
蒲心事缺中論五湖鰕菜鴟夷約三月鶯花蝶夢痕綠葉
成陰渾不管飄茵墮溷兩難言

當筵一曲案崑崙魄礪填胸以酒吞雲雨覆翻終有定箕
牛張奮總難論傷心欲哭紅冰璽洗面猶攬玉筋痕哀樂
儘憑絲竹寫此中難與俗人言

酒腸芒角射崑崙能納須彌芥子吞世界漸教人種合泥
犁輕比鬼薪論情絲斷藕難尋緒舌粲生蓮不著痕時與
維摩同說法天花撩亂墜無言
羲和鞭日走崑崙癩頸蝦蟇不敢吞終古泉阿雙劍合只
今風月一錢論歌叢慣被絲憎肉世事渾如泡散痕鳩鷺

搶榆成一笑逍遙遊是漆園言
眼前突兀涌崑崙蜃市蛟樓水氣吞薏苡浮詞原易入芭
蕉彈事且休論難窮象罔求珠術誰見羚羊挂角痕巫峽
巫峰雲雨遍高唐一賦本調言
西蜀曼韻贈笠雲本師呈葉吏部 釋敬安
法門望重比崑崙海波瀾滿腹吞自掃白雲遲客至不
將丹訣與人論心香一瓣爐無燄面壁多年石有痕我學
神光思斷臂門庭立雪乞師言
寄禪法師數以佳什見教和呈一首 葉德輝
輕舟一葉泛崑崙漏網之魚那得吞菩薩象猿徒自擾道
林鷹鶴許同論花城說法雷燈影蓮社行吟印履痕三教

平心吾豈敢喜公詩見道中言

寄禪上人詩云出世尙爲人所忌浮名終與道相妨

余深味其言輒次崑崙韻和之 王先謙

河流終不撼崑崙幾見妖墓併月吞尺道丈魔如夙約一
瓢千駟總同論觀空應識空非色入夢從教夢有痕我亦
逃名思避世開顏相視兩無言

讀崑崙集感賦卽送實甫觀察北上引 覲依原韻

二首 陳璠

是誰飛夢上崑崙星宿胸羅日月吞填海尙非千載恨凌
煙也作一時論超凡骨格欺梅影大好頭顱鬪雪痕枕上
遊仙原幻相綠章欲奏默無言

米顛擲筆賦崑崙五色河流勢欲吞
天上絲綸都世守
樽前歌舞復誰論
淒涼老鶴驚秋夢
變化神龍爍電痕
此去深宮
前席對盼將時局
盡情言

邨園先生以崑崙集見贈得讀續本事詩戲和二首

陳慶森

玉谿生對玉崑崙
用往事一首原句
豪氣如雲海亦吞
鏡裏頭顱嫌太好
眼前恩怨敢輕論
雄龍雌鳳聊身世
秋月春花自鬢痕
若把麗塵參水繪
填詞應共紫雲言
名花四灼艷崑崙
劍氣珠光互吐吞
九等人材班氏表
三公聲價董卿論
臨風玉樹珊瑚影
醮水桃花的的痕
想見紅氍毹貼地
當筵平視杜琴言

再贈邨園先生一首卽題其論學書札後

陳慶森

君如砥柱矗崑崙
十丈狂瀾席捲吞
野馬蜉蝣歸一廓
董龍雞狗更何論
能傳大辯無多語
功到神錐不見痕
拒諛從來如拒敵
崇墉原自固言言

奉答陳萃皆大令賜和之作四首

葉德輝

乾坤萬劫此崑崙
有酒須逢笑口吞
卯飲莫愁歡會少
子虛原作寓言論
燈前控鶴嬉春影
枕畔神雞叫夢痕
一樹甘棠一紅豆
東風畱待後人言

峨嵋伯仲此崑崙
岷水西來漢水吞
筆挾風雷驚客走
壺藏日月待君論
天神玉女盛囊血
王母金童被酒痕
一例

色空俱幻相不須懺悔託明言
豈聞太白壓崑崙嬉笑能將七子吞
自古才人多譎怪於今世事祇空論
高歌青眼誰豪飲大笑黃頭沒夢痕
我讀君詩倍惆悵平生懷抱幾曾言
一花一葉一崑崙醉把朱霞帶日吞
連臂宵寒香有影比肩人瘦玉同論
十千酒價驕春色三五年華鬪月痕
百首風懷刪不得煩君刊定一家言

韻韻郎園先生和贈四首
風颯洋洋如聞洞庭張樂足令
琴瑟卻響昨又見示寄琴志樓六首
又如啖江搖柱佳處口莫能名
但心知其美而已本不敢再持
布鼓過雷門然見獵心喜仍不免
爲東施之效顰

偶得四章錄呈郢政

陳慶森

珠璣顆顆散崑崙宋艷班香豈足吞
天若有情容便老古而無死樂何論
李衫漫笑多擣迹董袖分明有斷痕
難得說詩楊孟載盡將風義釋華言

神山一夢醒崑崙珠箔銀屏霧裏吞
分得餘桃休李代覓來巨棗以瓜論
形非通替描難合淚寄方諸淡有痕
鴻瓜雪泥渾易化鍾情深處轉忘言

難將一木拄崑崙瓠子隄堅漸嚙吞
作掾黑頭從客傲高歌青眼待君論
湔裙曲水春多事畫壁旗亭月有痕
綺緒年來渾欲減車中閉置更何言

綠章夜奏下崑崙仙字甯教脈望吞
好夢徵蘭金屋貯離

懷折柳玉關論黃頭信有驂鸞技玉貌空留控鶴痕十二
碧城何處是人天惆悵兩無言

玉貌空留控鶴痕十二
碧城何處是人天
惆悵兩無言

謝與四章競呈混效



